



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Vicetina.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

 VICETINA.

IN VICETIAM IVL. CAES.

SCALIGER.

Bacche pater, Ceres alma, bona bona numina
paci:

Quae patulos agros, qui iuga curua tenes;
Quid rerum, quid amicitia cum Marte cruento
Vobiscum? vestram ut vexet utrumque furor?
Pulchra racemiferos domitat VICETIA colles;
Lataque spicilegi iugera findit agri.
Cedis amor, cedis germana insana cupido:
Nec patrius nato est tutus ab hoste cruor.
Nusquam iter est. vastata iacent latrone proteritis
Ruscula: corruerunt ignibus hausta suis.
Parce (nefas) scelere manus, Gens debita celo;
Imbueque ignoto pectora digna Deo.
Diuina facies: regio caelestis: at huius
In cali medio tartara dira vigent.

 IN AEDE CATHEDRALI.

HIERONYMO SOLEDO, Episcopo Vasio-
nensi, Clementis VII. Pontif. Max. Domus
Magistro, in Hispaniam Legato, ab eo Carol.
V. Imperat. misso: rebus supra omnium spem
eius prudentia celeriter, & ex voto confectis;
affinitate etiam inter illos coniuncta: Caesare
in Italiam adducto: cum Venetis, ceterisque
Italicae Principibus foedere inito, Duce Insu-
brum Caes. Conciliato, in Belgis etiam apud eun-
dem Legatione functo: Romae in maiori de se ex-
pecta-

pectatione sublato: Io. Petrus fratri opt. atque innocentifs. P. Vixit ann. 52. dies 2. ☉. 4. Non Ian. 1533.

IN D. LAURENTII.

FERRETI BREXANI, & SVORVM.

*Hic situs ex clara FERRETVS origine vates,
Scaligeros decuit quem cecinisse Duces.
Scripsit & annales, Genuense & in ordine bellum,
Et noua de priscis carmina temporibus.
Et decus hic patria, Ferreta hic gloria gentis,
Hic locat aeternum nomen, & ossa lapis.*

LEONARDO PORTO.

Nobilissimo, Iuris & bonarum litterarum peritifs. qui nummos, mensuras, & pondera antiqua ad nostri temporis rationem deducendi autor fuit, atque octogenario maior decessit. & eius filius XVII. Kal. Octob. M. D. XLV.

AD SERVOS.

POLYXENAE CESENATAE.

*Serius, aut citius, nihil est: bene viuere, vita est
Aeterna; & calum, qui bene vixit, habet.
Obijt anno M. D. XXV. XVI. Kal. Iulij.*

ANTE AEDES COMITIS VVAL-
MARANAE.

MARIA AVSTRIA AVGVSTA, Caroli V. Maximil. II. Rodolphi II. Imp. filia, vxor, mater, a Philippo fratre Hispan. Rege potentifs. ad regendam Lusitanorum quondam Regum Imperium nuper partum, è Germania adscita: per Italiam iter

iter faciens in his ædibus, quod ipsa ob veterem Austriacorum Principum erga hanc Domum clientelam maximè voluit, cum Margarita, Maximilianoque filijs Archiducibus, à Leonardo VValmarano comite, eiusdem Philippi Regis Pensionario splendidissimo apparatu accepta fuit. Anno M. D. LXXXI. XV. Kal. Octob.

IN PALATIO MAIORI.

ANTONIO BERNARDO I. C. præstant. & patri opt. ob Rempubl. domi forisque feliciter administratam: vrbe pontibus, carcere, foro, templis exornatâ: Iudæis & noxijs eiectis: cuitate in pristinam dignitatem & otium, studijs & sanctis moribus restituta: monte pietatis fundato; grata Vicetia Pos. M. CD. LXXXVI.

AEOLIA.

FRANCISCVS TRIDENTAËVS, Vicetinus I. C. Hieronymi Equitis F. gelidi venti flatum, in cauerno, Cubalo nuncupata, spirantem in ædes proprias per hanc cryptoporticum deduxit: ad temperandum ardentem & æstiuos calores: quem tum cohibendo, tum relaxando, nouo atque mirabili artificio, per cubicula quæque ducendo: pro libitu ea refrigerare & calfacere valet; ita vt custodia villa, eius ingenio, diligentia, impensa & æmulatione ornatior effecta: inter regia oblectamenta connumerari queat. An. 1560. Ætat. verò suæ XXXII.

I. VERO